

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**KANTONALNA UPRAVA CIVILNE ZAŠTITE**

Broj:18/03-44-\_\_\_\_\_/12.  
Tuzla: 27.02.2012. godine

**IZVJEŠTAJ O RADU**  
Kantonalne uprave civilne zaštite  
i pregled aktivnosti u oblasti zaštite i spašavanja,  
na području Tuzlanskog kantona u 2011. godini

## **I Uvodni dio**

Kantonalna uprava civilne zaštite (KUCZ) obavljala je, u toku 2011. godine, zadatke iz svoje nadležnosti, u skladu sa odredbama: Zakona o zaštiti i spašavanju ljudi i materijalnih dobara od prirodnih i drugih nesreća, ("Službene novine Federacije BiH" broj 39/03, 22/06 i 43/10), (u daljem tekstu Zakon o zaštiti i spašavanju u Federaciji BiH), Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu ("Službene novine Tuzlanskog kantona" broj:10/08) (u daljem tekstu Zakon o zaštiti i spašavanju u TK), Zakona o zaštiti od požara i vatrogastvu („Službene novine Federacije BiH“, broj: 64/09), Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Zakona o ministarstvima i drugim organima uprave Tuzlanskog kantona ("Službene novine TK" broj: 17/00, 3/01, 12/03,10/05, 3/08, 8/11), (u daljem tekstu Zakon o ministarstvima), Pravilnikom o unutrašnjoj organizaciji KUCZ, (u daljem tekstu: Pravilnik), podzakonskim aktima donijetim na osnovu navedenih zakona i pravilnicima donijetim u KUCZ, te u skladu sa Programom rada KUCZ za 2011. godinu.

## **II Normativni dio**

1. Vlada TK je razmatrala i utvrdila Prijedlog Zakona o zaštiti i spašavanju od požara i vatrogastvu, na području TK, čije se donošenje od strane Skupštine TK očekuje početkom 2012. godine.

2. Direktor KUCZ je, u skladu sa svojim ovlaštenjima, donio novi Pravilnik o unutrašnjoj organizaciji KUCZ, Pravilnik o plaćama i naknadama državnih službenika i namještenika u KUCZ i Pravilnik o korištenju radnog vremena i kućnom redu KUCZ.

## **III Tematski dio**

### **3.1. Aktivnosti**

Sagledavajući rad KUCZ u toku 2011. godine, pored redovnih poslova koji su najdirektnije vezani za zaštitu i spašavanja, neke aktivnosti zaslužuju da budu posebno istaknute:

1. Održana je 51 sjednica stručnog kolegija KUCZ, na kojim su razmatrana sva važnija pitanja iz nadležnosti KUCZ, te dogovarane aktivnosti u vezi sa tim, kao i način njihove realizacije. U cilju podizanja odgovornosti, boljeg informisanja i kvalitetnije saradnje sa strukturama civilne zaštite na terenu, posebno OSCZ, na sjednicama stručnog kolegija redovno su analizirani nedjeljni izvještaji o radu OSCZ, kao i pitanja o najaktuelnijim problemima zaštite i spašavanja u općinama, donošeni odgovarajući zaključci o rješavanju najvažnijih pitanja, u vezi sa čim su vođene odgovarajuće aktivnosti KUCZ sa OSCZ.

2. Urađen je Izvještaj o radu KUCZ i pregled aktivnosti u oblasti zaštite i spašavanja, na području TK za 2010. godinu i Program rada KUCZ za 2011. godinu.
3. Na temelju Programa rada KUCZ za 2011. godinu, na sjednicama Stručnog kolegija KUCZ, donošeni su planovi rada KUCZ i usvajani izvještaji o radu KUCZ za svaki mjesec, koji su dostavljeni Vladi TK i FUCZ.
4. KOC CZ je svakodnevno sačinjavao dnevne izvještaje o stanju u oblasti zaštite i spašavanja na području TK, koji su dostavljeni Federalnom operativnom centru civilne zaštite (FOC CZ), a svakog radnog dana u "Jutarnji program" RTV TK javljane su aktuelne informacije iz oblasti zaštite i spašavanja sa područja TK.
5. Direktor KUCZ je, u skladu sa svojim ovlaštenjima, uradio i donio novi Pravilnik o unutrašnjoj organizaciji KUCZ, Pravilnik o plaćama i naknadama državnih službenika i namještenika i Pravilnik o korištenju radnog vremena i kućnom redu.
- U skladu sa novim Pravilnikom o unutrašnjoj organizaciji KUCZ i Pravilnikom o plaćama i naknadama državnih službenika i namještenika, direktor KUCZ je donio nova rješenja o postavljenju i raspoređivanju, kao i rješenja o plaćama i naknadama državnih službenika i namještenika.
6. KUCZ je sačinila više informacija i materijala, kojim su dostavljeni Vladi TK, FUCZ, a, po potrebi, i drugim nadležnim subjektima, u kojima je obrađena slijedeća problematika:
- a) Rezultati Federalnog/Kantonalnog tima civilne zaštite za deminiranje i uklanjanje neeksplozivnih ubojitih sredstava u 2010. godini na području TK.
  - b) Aktuelna situacija u oblasti zaštite i spašavanja na području TK.
  - c) Ostvareni rezultati deminiranja u 2010. godini na području TK.
  - d) Ostvareni rezultati sufinansiranog deminiranja u 2010. godini na području TK.
  - e) Izvještaj o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2010. godini, kao i Plan korištenja sredstava posebne naknade za zaštitu od prirodnih i drugih nesreća u 2011. godini.
  - f) Izvještaj o realizaciji zadataka iz Programa razvoja zaštite i spašavanja Tuzlanskog kantona u 2009. godini.
  - g) Stanje zaštite i spašavanja na području TK, u periodu I-IV 2011. godina.
  - h) Prikupljanje, raspodjela i korištenje sredstava Posebne naknade za zaštitu od prirodnih i drugih nesreća na području TK, u periodu 2004.-2010. godina.
  - i) Preventivne aktivnosti u oblasti zaštite od požara na području TK.
  - j) Poduzete preventivne aktivnosti u oblasti zaštite i spašavanja na vodi i pod vodom na području TK.
  - k) Stanje sistema zaštite od grada na području općina Tuzlanskog kantona.
  - l) Zone teritorijalne nadležnosti službi hitne medicinske pomoći, vatrogasnih jedinica, policije i OSCZ, za svih 13 općina na području TK.
  - m) Informacija o dodijeljenoj pomoći općinama TK za rukovođenje akcijama zaštite i spašavanja i saniranja šteta od prirodnih nesreća u 2010. godini.
  - n) Sufinansirano deminiranje na području TK u 2011. godini, između lokalne zajednice i HO „Pro Vita” iz Mostara.
  - o) Deminerska nesreća na području općine Gradačac.
  - p) Ostvareni rezultati deminiranja na području TK, u periodu januar-septembar 2011. godine.
  - r) Sufinansirano deminiranje na području TK u 2010/2011. godini, između lokalne zajednice i Međunarodnog fonda za deminiranje i pomoć žrtvama mina.
  - s) Pripremljenost za zimsko održavanje puteva na području TK, u sezoni 2011./2012. godina.
  - t) Problemi vodosnabdijevanja i dodatnih troškova zbog suše u 2011. godini na području općina Tuzlanskog kantona.
  - u) Prijedlog izmjena i dopuna federalnih propisa iz oblasti zaštite i spašavanja.

v) Prijedlog Programa obilježavanja 1. marta-Dana civilne zaštite, kao i prijedlog Odluke o dodjeli priznanja i nagrada civilne zaštite, koji su usvojeni na sjednici KŠCZ održanoj 23.02.2011. godine.

w) Urađen je i Vladi TK dostavljen Izvod iz Programa rada KUCZ za 2012.godinu, radi izrade Programa rada Vlade TK.

7. Dana 03.03.2011. godine održana je svečana sjednica KŠCZ, u povodu 1. marta-Dana civilne zaštite u BiH, na kojoj su, pored ostalog, dodijeljena priznanja i nagrade KŠCZ pravnim, društvenim i drugim organizacijam i pojedincima sa područja TK, za poseban doprinos u oblasti zaštite i spašavanja.

U okviru programa obilježavanja 1. marta-Dana civilne zaštite, na platou Vatrogasnog doma profesionalne vatrogasne jedinice Tuzla, ispostava Kreka-Irac, realizovana je združena vježbe struktura civilne zaštite Tuzlanskog kantona „Pomoć građanima u nesreći”, sa slijedećim podvježbama:

- Gašenje požara na višim spratovima zgrada,
- Spašavanje građana iz zgrada u požaru,
- Pružanje prve pomoći nastradalim građanima od strane volontera Crvenog križa/krsta TK,
- Spašavanje-vađenje nastradalih osoba iz auta,
- Pružanje hitne medicinske pomoći i prevoz nastradalih do zdravstvene ustanove,
- Izvlačenje nastradalih osoba iz minskog polja – "Brzi odgovor".

U vježbi su učestvovala Profesionalne vatrogasne jedinice općina Kalesija, Srebrenik i Tuzla, Mobilni tim za hitnu medicinsku pomoć JZU Dom zdravlja Tuzla, Tim FUCZ/KUCZ za deminiranje, Jedinica za prvu pomoć Crvenog križa/krsta TK i Policijska patrola Policijske stanice Tuzla.

8. Vlada TK je usvojila slijedeće materijale, koje je uradila KUCZ:

a) Ostvareni rezultati na deminiranju i trajnom obilježavanju minskih polja, na području TK u 2010. godini.

b) Realizacija sufinansiranog deminiranja na području TK u 2010. godini.

c) Rezultati Kantonalnog tima civilne zaštite na uklanjanju neeksplozivnih ubojitih sredstava i deminiranju terena na području TK u 2010. godini (XII faza).

d) Plan deminiranja terena na području TK za 2011. godinu.

e) Izvještaj o prikupljanju, raspodjeli i korišćenju sredstava Posebne naknade za zaštitu od prirodnih i drugih nesreća u 2010. godini.

f) Izvještaj o radu Kantonalne uprave civilne zaštite za 2010.g. i Program rada KUCZ za 2011. godinu.

g) Donesena Odluka o imenovanju komandanta, načelnika i članova Kantonalnog štaba civilne zaštite.

h) Program rada za izradu Plana zaštite i spašavanja ljudi i materijalnih dobara od prirodnih i drugih nesreća za Tuzlanski kanton.

i) Informacija o sufinansiranju deminiranja na području TK u 2010/2011. godini, između lokalne zajednice i Međunarodnog fonda za deminiranje i pomoć žrtvama mina.

j) Informacija o sufinansiranom deminiranju na području TK u 2011. godini, između lokalne zajednice i HO "PRO-VITA" iz Mostara.

k) Prijedlog o davanju saglasnosti na Pravilnik o unutrašnjoj organizaciji Kantonalne uprave civilne zaštite.

l) Prijedlog o davanju saglasnosti Kantonalnoj upravi civilne zaštite za prijem u radni odnos jednog državnog službenika.

m) Informacija o pripremljenosti za zimsko održavanje puteva na području TK u sezoni 2011./2012. godina.

n) Informacija o problemima vodosnabdijevanja i dodatnih troškova zbog suše u 2011. godini na području TK.

9. Skupština TK je u vezi sa djelokrugom rada i aktivnostima KUCZ:

a) Usvojila Izvještaj o radu KUCZ i pregled aktivnosti u oblasti zaštite i spašavanja na području TK za 2010. godinu.

b) Usvojila Informaciju o ostvarenim rezultatima deminiranja na području TK za 2010. god.

10. Održano je 8 redovnih sjednica KŠCZ, na kojim su razmatrana pitanja iz njegove nadležnosti. KUCZ je, u toku 2011. godine, obavljala sve potrebne stručne, administrativne, tehničke i druge poslove neophodne za rad KŠCZ.

11. KUCZ je usmjeravala rad Kantonalne komisije za procjenu šteta od prirodnih i drugih nesreća i obavljala sve administrativno-tehničke poslove neophodne za rad ove komisije.

12. Održano je 6 sastanaka direktora KUCZ sa šefovima OSCZ, na kojim su razmotrena najvažnija pitanja iz zajedničke nadležnosti navedenih organa civilne zaštite.

13. Na sjednici Vlade TK, koja je održana 13.10.2011.godine, usvojen je Zbirni izvještaj Kantonalne komisije za procjenu šteta od prirodnih i drugih nesreća o procjeni šteta na materijalnim i drugim dobrima izazvanim djelovanjem prirodnih nepogoda na području Tuzlanskog kantona u 2010. godini kao i Izvještaj o radu navedene Komisije za 2010. godinu.

14. Održana su 3 sastanka kantonalnog koordinatora za deminiranje (direktor KUCZ), sa općinskim koordinatorima za deminiranje, na kojim je razmatrana problematika deminiranja i trajnog obilježavanje minskih polja na području svih općina.

15. Dana 15.11.2011.godine na području općina Gračanica i Petrovo, obavljen je ceremonijal predaje 7 projekata deminiranja finansiranih od Vlade Japana i Vlade SAD preko ITF-a. Pored ambasadora Japana i saradnika, direktora ITF-a, rukovodioca RU BHMAL-a u Tuzli, načelnika općina Gračanica i Petrovo i šefova službi civilne zaštite, sastanku je prisustvovao i direktor KUCZ koja je vršila koordinaciju navedenih poslova.

16. U organizaciji KUCZ i FUCZ provedena je dvodnevna doobuka pripadnika Kantonalnih timova civilne zaštite iz Orašja, Žepča i Tuzle ("A" i "B" komponenta) i obavljeno testiranje istih od strane FUCZ. Doobuka je provedena 21. i 22.03.2011. godine, na području općine Srebrenik, u saradnji sa OSCZ Srebrenik.

17. U okviru realizacije projekta sufinansiranog deminiranja sa Humanitarnom organizacijom za deminiranje „Pro Vita” iz Mostara, direktor KUCZ je obavio potrebne aktivnosti na usaglašavanju ugovora između općina Banovići i Kalesija, koje su prihvatile da vlastitim sredstvima, u iznosu od 15% učestvuju u navedenom projektu. U općini Kalesija je organizirano potpisivanje ugovora između općine Kalesija i HO „Pro Vita” a poslije toga i primopredaja deminiranog terena.

18. Kantonalni koordinator za deminiranje (direktor KUCZ), zajedno sa Regionalnim uredom MAC-a Tuzla i općinskim koordinatorima za deminiranje, sačinio je Listu prioriteta deminiranja (čišćenje i tehničko izviđanje), za područje TK u 2012. godini, koja je dostavljena Vladi TK.

19. Na osnovu poziva od strane US Partnerstvo za mir, Mornaričke postdiplomske škole i Trening centra za mirovne operacije u Sarajevu, direktor KUCZ, kao predstavnik lokalne zajednice (Tuzlanski kanton), učestvovao u radionici „Radimo u istom prostoru”, koja se održala sredinom marta u Montereju u Kaliforniji, SAD.

20. Direktor i Sekretar KUCZ učestvovali su u FUCZ u Sarajevu, na sastanku radne grupe za izradu izmjena i dopuna Odluke o uslovima i načinu korištenja sredstava, ostvarenih po osnovu posebne naknade, za zaštitu od prirodnih i drugih nesreća, na kome je usvojen Prijedlog navedenog akta, koji će biti dostavljen Vladi Federacije BiH na usvajanje.

21. Posjetu KUCZ obavio gospodin Samir Agić, pomoćnik ministra za sigurnost BiH. Razgovarao je sa direktorom uprave i šefom KOC-a o mogućnosti uspostave rezervnog Operativno-komunikacijskog centra BiH pri KUCZ Tuzla.

22. Direktor KUCZ učestvovao je od 28.06. do 30.06.2011. godine, u Trening centru EUFOR-a u Butmiru, Sarajevo, na edukacijskom seminaru: „Strateško komuniciranje u protuminskom djelovanju u BiH”, koji je organizovao BH MAK i Škola za strategijska istraživanja iz grada Montereja, SAD.

23. Uposlenici KUCZ su, u 5 grupa, izvršili komisijski uvid u izvršene radove na realizaciji projekata koji su sufinansirani neutrošenim sredstvima posebne naknade iz 2009. godine, koje je KUCZ dodijelila u toku 2010. god., za zaštitu i spašavanje, kao i kontrolu ispravnosti potrošnje navedenih sredstava. U svakoj općini je sačinjen zapisnik o neposrednom uvidu na licu mjesta, koji je potpisan od strane predstavnika KUCZ i općine.

33. Izvršena je obrada dokumentacije (prijedlog projekata za sanaciju šteta) koju je dostavilo 12 općina, na Javni poziv KUCZ, za raspodjelu neutrošenih sredstava posebne naknade, za zaštitu i spašavanje iz 2010. godine (300.000 KM), i na osnovu toga su urađeni sljedeći materijali:

- Pregled zahtjeva općina za dodjelu neutrošenih sredstava posebne naknade iz 2010. godine, za zaštitu od prirodnih i drugih nesreća, na području TK, za sufinansiranje sanacije šteta od prirodnih i drugih nesreća;

- Pregled bodovanja kandidiranih projekata općina po javnom pozivu KUCZ, za dodjelu pomoći iz neutrošenih sredstava posebne naknade iz 2010. godine, za sufinansiranje sanacije šteta od prirodnih i drugih nesreća.

34. Pod pokroviteljstvom Federalnog štaba civilne zaštite, u Sarajevu je dana 26.10.2011. godine, održana promocija knjige magistra sigurnosti-zaštite i spašavanja gospodina Zdenka Tadića, direktora KUCZ Tuzla, pod nazivom "Zaštita i spašavanje u rudnicima uglja Tuzlanskog kantona".

35. Uposlenici KUCZ prisustvovali su (17.11.2011. godine) Međunarodnom Okruglom stolu na temu : "Prevenција, monitoring i interventna sanacija klizišta", koji je, u organizaciji Rudarskog Instituta iz Tuzle i firme Geoworks Tuzla, održan u amfiteatru Hotela "Tuzla" u Tuzli. Na Okruglom stolu je prezentirano i izloženo niz stručnih studija, domaćih i stranih autora, u vezi prevencije, monitoringa i sanacije klizišta i nestabilnih padina. Direktor KUCZ, u svojstvu člana Organizacionog odbora, izložio je temu pod nazivom " Opasnost i štete od klizanja tla na području Tuzlanskog kantona".

36. Izdat je novi broj glasila Kantonalne uprave civilne zaštite Tuzlanskog kantona "Civilna zaštita" (dvo broj 19/20), jedinog takvog glasila u BiH.

37. Urađen je i Vladi TK dostavljen Izvod iz Programa rada KUCZ za 2012. godinu, tražen za izradu Programa rada Vlade TK.

38. Sekretar KUCZ, Šef Kantonalnog operativnog centra civilne zaštite i stručni savjetnik za mjere zaštite i spašavanja, obavljali obuku za primjenu informacionih tehnologija i rad na računarima- "ECDL-Star" za državne službenike, koja se, u organizaciji Agencije za državnu službu Federacije BiH, održava u Tuzli, u prostorijama BIT centra.

39. Kontinuirano je vršeno ažuriranje WEB stranice KUCZ.

### **3.2. Mjere zaštite i spašavanja**

U skladu sa odredbama Zakona o zaštiti i spašavanju u Federaciji BiH, strukture civilne zaštite planiraju, koordiniraju i poduzimaju aktivnosti u okviru slijedećih mjera zaštite i spašavanja:

1. Sklanjanje ljudi i materijalnih dobara,
2. Evakuacija,
3. Zbrinjavanje ugroženih i stradalih,
4. Zamračivanje,
5. Zaštita i spašavanje od radioloških, hemijskih i bioloških sredstava,
6. Zaštita i spašavanje od rušenja,
7. Zaštita i spašavanje na vodi i pod vodom,
8. Zaštita i spašavanje od požara,
9. Zaštita od neeksplozivnih ubojitih sredstava,
10. Prva medicinska pomoć,
11. Zaštita i spašavanje životinja i namirnica životinjskog porijekla,
12. Asanacija terena,
13. Zaštita okolice,
14. Zaštita i spašavanje u rudnicima i
15. Zaštita bilja i biljnih proizvoda.

U ovom Izvještaju su obrađene samo one mjere zaštite i spašavanja u vezi kojih je ostvarena konkretna aktivnost.

## 1. Evakuacija

U 2011. godini, na području TK izvršena je evakuacija jedne osobe u općini Doboj-Istok (MZ Stanić Rijeka), iz stambenog objekta ugroženog slijeganjem tla.

## 2. Zaštita i spašavanje od požara

R.b.	Vrsta požara	I	II	III	IV	V	VI	VII	VIII	IX	X	XI	XII	Σ
1	Stambeni objekti	15	10	11	6	3	9	6	11	9	16	21	13	130
2	Poslovni objekti		1	3			5	5	5	1	3	3	2	28
3	Sportski objekti													-
4	Industrijski objekti				3		1		1	4	2	1		12
5	Pomoćni objekti	5	3	4	3	5	6	3	11	11	9	12	6	78
6	Infrastrukt. objekti					1	3	3	-	5	4	1		15
7	Šumski požari	2	2	53	23	1	2	6	18	61	9	2		179
8	Nisko rastinje	1	5	62	29	1	5	8	35	86	41	5	2	280
9	Kontejneri	52	45	40	24	10	13		7	9	37	57	48	342
10	Dimnjaci	11	12	10	4	1			4		8	4	4	58
11	Motorna vozila	5	4	5	7	2	8	4	8	6	8	8	8	73
12	Ostalo (sijena, deponije, smeća)	7	4	13	22	9	17	9	29	33	28	21	4	196
	<b>UKUPNO:</b>	<b>98</b>	<b>86</b>	<b>201</b>	<b>121</b>	<b>33</b>	<b>69</b>	<b>44</b>	<b>129</b>	<b>225</b>	<b>165</b>	<b>135</b>	<b>87</b>	<b>1391</b>

Tabela broj 1: Pregled registrovanih požara na području TK, u 2011. godini

Općina	Banovići	Čelić	Doboj Ist.	Gračanica	Gradačac	Kalesija	Kladanj	Lukavac	Sapna	Srebrenik	Teočak	Tuzla	Živinice	UKUPNO:
Stambeni objekti	2		1	14	4	8		19	2	12		47	21	130
Poslovni objekti	1			4	2			3		6		7	5	28
Sportski objekti														-
Industrijski objekti	2			5								2	3	12
Pomoćni objekti	5			6	4	8		11		8		28	8	78
Infrastrukturni objekti	2			1						2		10	2	15
Šumski požari	25		1	20	4	11		42		18	1	48	9	179
Nisko rastinje	18		1	21	10	18	3	65		43	3	72	24	280
Kontejneri				3	1		1	15		55		261	7	342
Dimnjaci				6	2	2		5		6		35	2	58
Motorna vozila	1					1		25		14		22	8	73
Ostalo (sijena, deponije, smeća i sl.)	10		1	14	9	2		40		16	1	82	14	196
<b>UKUPNO:</b>	<b>66</b>	<b>-</b>	<b>4</b>	<b>94</b>	<b>36</b>	<b>54</b>	<b>4</b>	<b>225</b>	<b>2</b>	<b>180</b>	<b>5</b>	<b>614</b>	<b>103</b>	<b>1391</b>

Tabela broj 2: Pregled registrovanih požara u općinama TK, u 2011. godini

**U požaru na pomoćnom objektu (izgorjela vikendica), koji se desio dana 15.01.2011. godine, u MZ Dolovi, općina Tuzla, smrtno je stradalo jedno lice.**

Najveći broj registrovanih požara bili su požari manjeg intenziteta i ugašeni su, bez većih problema, isti dan kada su se i desili. Nije registrovan niti jedan požar velikih razmjera.

U nekoliko slučajeva požari su imali za posljedicu totalno uništenje stambenih objekata te je pričinjena znatna materijalna šteta. Najčešći uzrok većine požara, bio je ljudski faktor.

Načelno se može konstatovati da postojeće snage za gašenje požara u općinama mogu efikasno djelovati u slučaju požara manjeg do srednjeg intenziteta, a u slučaju istovremenog izbijanja većih

požara u više općina, postojeće snage su nedovoljne, kako zbog nedovoljnog broja vozila za gašenje požara i druge vatrogasne opreme, tako i zbog nedovoljnog broja profesionalnih vatrogasaca.

U okviru međuentitetske saradnje ostvarena je dobra saradnja u oblasti protivpožarne zaštite, između općina Gračanica i Petrovo u RS.

#### **Procijenjene štete od požara**

Prema podacima JP "Šume TK" D.D. Kladanj, štete od šumskih požara, u periodu 01.01.-31.12.2011. godine, u Šumskim gazdinstvima (ŠG) kojima upravlja navedeno JP iznose ukupno 103.563,05 KM (ŠG "Konjuh"- 186,30 KM, ŠG "Sprečko"- 49.871,92 KM, ŠG "Majevičko" – 53.204,83 KM i ŠG "Vlaseničko"- 300.00 KM).

U navedenom periodu nisu registrovane štete u šumama koje su u privatnom vlasništvu.

Štete od požara na stambenim, pomoćnim i poslovnim objektima nisu procijenjene te nema podataka o visini ovih šteta.

#### **Stanje organizovanosti i zakonske uredenosti protivpožarne zaštite**

Profesionalne vatrogasne jedinice (PVJ) formirane su u općinama: Banovići, Gračanica, Gradačac, Kalesija, Lukavac, Srebrenik i Tuzla. Dobrovoljna vatrogasnih društava (DVD) formirana su u općinama: Čelić i Kladanj. U općini Živinice poslove protivpožarne zaštite obavlja Industrijsko vatrogasno društvo (IVD) Rudnika mrkog uglja Đurđevik.

Bez bilo kakvih vlastitih vatrogasnih jedinica su općine: Doboj-Istok, Sapna i Teočak.

PVJ su organizaciono u sastavu OSCZ samo u općinama: Banovići, Gračanica, Gradačac, Kalesija, Lukavac, Srebrenik i Tuzla.

Jedinice civilne zaštite specijalizovane namjene, za protivpožarnu zaštitu, formirane su, u skladu sa novim Pravilnikom i Okvirnim ličnim i materijalnim formacijama, u općinama:

Doboj-Istok, Gračanica, Gradačac, Kalesija, Kladanj, Lukavac, Sapna i Živinice, sa ukupno 166 pripadnika.

Parlament Federacije BiH usvojio je Zakon o zaštiti od požara i vatrogastvu u Federaciji Bosne i Hercegovine, koji je objavljen u "Službenim novinama F BiH", broj 64/09.

Nakon razmatranja Prijedloga Zakona o zaštiti od požara i vatrogastvu, na području TK, na kolegiju Vlade TK (22.12.2010. godine), isti je povučen iz procedure usvajanja, a njegovo usvajanje se očekuje početkom 2012. god.

### **3. Zaštita i spasavanje od NUS-a**

Kantonalna uprava civilne zaštite je, kao i ranije, imala jednu od vodećih uloga u svim akcijama koje su vođene na nivou kantona, a odnosile su se na segment zaštite i spasavanja od neeksplozivnih ubojitih sredstava (NUS) na području Tuzlanskog kantona. Koordiniranje i praćenje realizacija zadataka na polju neutralisanja neeksplozivnih i minskoeksplozivnih ubojitih sredstava, kao i operacija manuelnog čišćenja, tehničkog izviđanja i obilježavanja rizičnih površina na području Tuzlanskog kantona su poslovi i zadaci koji su obilježili ovaj izvještajni period. Svi ovi gore navedeni poslovi i zadaci realizirani se preko tima civilne zaštite za deminiranje i uklanjanje NUS-a i timova OS BiH kao i drugih domaćih i stranih kompanija-organizacija.

Kao polaznu osnovu za realizaciju zadataka iz oblasti deminiranja i uklanjanja NUS-a činila je Kantonalna lista prioriteta za deminiranje na području Tuzlanskog kantona koja je urađena na osnovu prijedloga iz općina i ulaznih parametara dobivenih od BHMACH-a, a koja je usvojena na Vladi TK i ovjerena od strane Premijera kantona.

Realizacija projekata sa Kantonalne liste prioriteta za deminiranje ove godine je tekla zadovoljavajućim intenzitetom što je za posljedicu imalo ostvarenje najboljeg rezultata od početka izvođenja radova na humanitarnom deminiranju. Intenziviranje ranije započetog projekta sufinansiranja deminiranja između općina, Vlade Kantona i Međunarodnog fonda za razminiranje i pomoć žrtvama mina (ITF) i od ove godine započetog projekta sufinansiranja između Evropske komisije (preko HO „Provita“), Vlade TK i općina su dodatno ojačali proces deminiranja što je u konačnici rezultiralo rekordnim rezultatom.

Višegodišnje iskustvo na ovim poslovima i dobra saradnja Kantonalne uprave civilne zaštite sa svim subjektima, a posebno sa općinskim službama civilne zaštite sa područja TK i ove godine je

rezultirala velikim uspjesima na polju neutralisanja neeksplozivnih ubojitih sredstava i deminiranju terena. Za ostvarivanje ovih rezultata neophodno je bilo ostvarivanje dobre uvezanosti svih subjekta koji imaju dodirnih tačaka sa ovim poslovima, a posebno dobra saradnja ostvarena je sa Federalnom upravom civilne zaštite odnosno Sektorom za organizaciju deminiranja i uklanjanja NUS-a, Regionalnim uredom BHMACH-a iz Tuzle, kao i drugim entitetskim subjektima kao što su OS BiH, policija i EUFOR.

Svakodnevna saradnja sa općinskim službama civilne zaštite je jedan od osnovnih preduvjeta za blagovremeno i kvalitetno obavljanje redovnih zadataka iz oblasti neutralisanja NUS-a i deminiranja terena na kojima su svakodnevno bili angažirani pripadnici tima civilne zaštite.

### **Federalni/Kantonalni tim civilne zaštite za deminiranje i uklanjanje NUS-a**

Početkom godine, nastavljen je Program deminiranja 2011. u Federaciji BiH – Faza XIII kojom su obezbjeđeni neophodni uvjeti za nastavak rada timova civilne zaštite za deminiranje i uklanjanje NUS-a sa području F BiH. Poslove deminiranja i uklanjanja NUS-a na području Tuzlanskog kantona obavljao je i Federalni/Kantonalni tim civilne zaštite za deminiranje i uklanjanje NUS-a koji se sastoji iz dva dijela: Tima za uništavanje NUS-a i Tima za deminiranje. Prema ranije postignutom dogovoru pripadnici navedenog tima su u radnom odnosu sa FUCZ a koordinaciju njihovih poslova vrši KUCZ.

### **Tim civilne zaštite za uništavanje NUS-a**

Poslovi pronalaznja, prikupljanja, prevoženja i uništavanja minsko-eksplozivnih i neeksplozivnih ubojitih sredstava po zahtjevu općinskih službi civilne zaštite su, kao i ranije, obilježili cijeli tok trajanja XIII faze. Ove poslove na području TK obavlja Tim civilne zaštite za uništavanje NUS-a koju čine 4 pripadnika koji posjeduju sve odgovarajuće certifikate za rad sa neeksplozivnim ubojitim sredstvima i opremljeni su svom neophodnom opremom i sredstvima za rad.

Sva prikupljena minsko-eksplozivna i neeksplozivna ubojna sredstva uništavala su se na licu mjesta ako to okolnosti dozvoljavale ili se uništavanje vršilo na nekom od improviziranih mjesta – poligona za uništavanje NUS- a za što posjedujemo odgovarajuću saglasnost lokalnih organa vlasti.

Skladištenje radne eksplozivne materije riješeno je zahvaljujući razumijevanju organa vlasti općine Banovići u prostorijama unutar kruga Rudnika mrkog uglja Banovići, a kojima sada gazduje Općinska služba civilne zaštite.

U toku izvještajnog perioda pripadnici Tim civilne zaštite za uništavanje NUS-a su odradili 505 zadatka što potvrđuje da još uvijek postoje značajne količine NUS-a koje predstavljaju stalnu opasnost i koje je nužno što prije bezbjedno uništiti i učiniti životno okruženje sigurnijim za normalan život i rad.

Kao period sa najintenzivnijim prikupljanjem NUS-a i dalje se može izdvojiti proljeće i jesen kada stanovništvo najviše vremena provodi obrađujuću zemljište i pribavlja ogrevno drvo.

Naziv sredstva	Jed.mjere	III	IV	V	VI	VII	VIII	IX	X	XI	XII	Ukupno:
Munic. manjeg kalibr	kom	2.269	705	435	810	173	993	583	425	1.655	1.538	9.586
Municija većeg kalibra	kom	10	33	16	2	2	22	5	8	3	124	225
Ručne bombe - razne	kom	68	53	20	71	19	89	66	22	41	51	500
Projektili - razni	kom	20	18	8	105	6	11	7	6	11	9	201
Pješadijske mine	kom	6	7	13	11	10	1	12	8	27	9	104
Tenkovske mine	kom	2	2	1	8	0	0	9	0	1	0	23
Tromblonske mine	kom	18	17	5	8	5	34	11	11	9	34	152
"Osa", "Zolja", "Munja"	kom	6	1	3	0	0	0	2	0	2	0	14
Upaljači – razni	kom	0	0	0	0	9	9	1	5	7	0	31
Kasetne avio bombe	kom	0	0	7	0	0	0	0	0	0	0	7
Ostalo (okviri, kapisle)	kom	18	6	1	28	2	2	21	25	7	44	154
Trotil.meci100,200,500	kom	11	0	1	0	0	3	2	0	3	0	20
<b>UKUPNO:</b>	<b>kom</b>	<b>2.428</b>	<b>842</b>	<b>510</b>	<b>1.043</b>	<b>226</b>	<b>1.164</b>	<b>719</b>	<b>510</b>	<b>1.766</b>	<b>1.809</b>	<b>11.017</b>

Tabela broj 3: Pregled preuzetog i uništenog NUS-a na području TK u 2011. god.



Naziv sredstva	Jedinica mjere	III	IV	V	VI	VII	VIII	IX	X	XI	XII	Ukupno:
Eksplozivi – razni	kg	0,0	0,0	0,0	0,0	0,0	0	0	0,5	0	5,8	6,3
Pirotehnička sreds.petarde	kom.	25.863,0	36.000,0	10.000,0	0,0	0,0	0	0	0	0	11.899,0	83.762,0

Tabela broj 4: Pregled uništenog eksploziva i PTS-a po količini

Od osnutka tima (I - XIII faza) neutralisano je 436.531 komad NUS-a i 1.153,2 kg raznih vrsta eksploziva..

#### Tim civilne zaštite za deminiranje

Tima civilne zaštite za deminiranje, zadužen je za pregled i čišćenje kontaminiranih terena, sastoji se od 10 pripadnika razne specijalnosti, i u toku ove godine bila je angažirana na pregledu i čišćenju vitalnih objekata i poljoprivrednih površina, u više općina TK.

Redni broj	Općina	Lokalitet	Namjena	Metoda rada	Površina /m <sup>2</sup> /
1.	Sapna	Baljkovica-Pr. groblje	groblje, poljoprivreda	T I	15.868,00
2.	Lukavac	Zaseok - Strojna	okućnice, poljopr.	čišćenje	3.916,00
3.	Gradačac	Put Brijeznica-G.Gaj	put i poljoprivreda	čišćenje	4.331,00
4.	Čelić	Kapavac 2.	Infrastruktura	čišćenje	703,19
5.	Živinice	VB Ljubače	Infrastruktura	čišćenje	251,00
<b>U K U P N O:</b>					<b>25.069,19</b>

Tabela broj 5: Pregled deminiranih projekta, po općinama TK u 2011. godini

Tokom izvođenja deminerskih radova pronađene su slijedeće vrste i količine mina i neeksploziviranih ubojitih sredstava:

- protivtenkovske mine TMM1 ..... 6 kom.
- protivpješađijske mine PMA-2 ..... 6 kom.
- protivpješađijske mine PMA-3 ..... 11 kom.
- NUS-a ..... 11 kom.

Računajući period od osnutka tima, može se konstatirati da je na području Tuzlanskog kantona Tim terena civilne zaštite za deminiranje, uz pomoć Mašinskog, POEK i PLANT tima Federalne uprave civilne zaštite deminirao površinu terena od **696.086,19 m<sup>2</sup>**. Obzirom da su ovom timu, po pravilu, dodjeljivani zadaci male površine i nezanimljivi za komercijalne organizacije i kompanije sveukupni učinak se ocjenjuje kao vrlo zadovoljavajući.

Nažalost, u ovoj XIII fazi po prvi put bilježimo **deminersku nesreću** u kojoj su učestvovali pripadnici tima civilne zaštite. Naime, dana 02.09.2011. godine na deminerskom zadatku ID 13075 „Put Brijeznica-Grabov Gaj“ na općini Gradačac na kojem su radove izvodili pripadnici Federalna uprava civilne zaštite desila se deminerska nesreća u kojoj su dva deminera lakše povrijeđena, a pričinjena je znatna materijalna šteta.

Sukladno zakonskim propisima obavljen je uviđaj od strane Istražnog odbora na temelju čijih zaključaka su poduzete odgovarajuće mjere prema učesnicima ove nesreće

#### Stradanje u minskim poljima - „Brzi odgovor“ - izvlačenje nastradalih osoba

Tokom **2011. godine, nije bilo** angažiranja pripadnika tima civilne zaštite na izvlačenje nastradalih osoba iz minskih polja (BRZI ODGOVOR).

To je prva godina od osnutka tima u kojoj nije bilo djelovanja u sklopu ove operacije. U proteklih 13 faza - godina bilježimo 35 intervencija pripadnika tima civilne zaštite, na izvlačenju nastradalih osoba iz minskih polja u kojima su 32 osobe smrtno stradale, a 22 su teže i lakše ranjene.

Prema zvaničnim podacima BHMAC-a, u periodu od 1996. do 2011. godine, u BiH je od mina stradalo 1.670 stanovnika. Tokom 2011. godine, i pored svih preduzetih mjera upozoravanja na minsku opasnost dogodilo se 10 minskih nesreća, u kojima su stradali civili (6 osoba je smrtno stradala, a 12 osoba je povrijeđeno).

U 3 deminerske nesreće od kojih se jedna desila na području općine Gradačac, 2 deminera su smrtno stradala, a 2 su ranjena. Do sada je u BiH stradalo 108 deminera, od čega 43 smrtno.

Sve civilne nesreće desile su se u obilježenim područjima, te da su najčešći razlozi koji dovode do nesreća, nepoštivanje minskih upozorenja i svjestan ulazak u sumnjiva područja zbog lova ili sječe šume.

Prema podacima sa kojima raspolaže Kantonalna uprava civilne zaštite Tuzla, od potpisivanja Dejtonskog sporazuma, do kraja 2011. godine, dogodilo se preko 200 minskih nesreća, na području svih općina Tuzlanskog kantona, u kojima je smrtno stradalo 116, a teže i lakše ranjena 132 osoba.

### **Čišćenje ostataka u ratu porušenih objekata – PLANT tim civilne zaštite**

Temeljem planiranih aktivnosti o angažiranju PLANT tima civilne zaštite, na poslovima uklanjanja ostataka ruševina, na objektima van minskih polja i pružanja pomoći, u procesu izvođenja deminerskih radova, u periodu od 25.08 – 10.09.2011. godine, ovaj tim je izvodio aktivnosti, na području općine Kalesija. Tokom izvođenja radova očišćeno je 18 porodičnih kuća i stvoreni uvjeti za početak njihove ponovne izgradnje.

U pružanju pomoći pripadnicima PLANT tima bili su angažirani predstavnici Federalne i Kantonalne uprave civilne zaštite, te općinske službe civilne zaštite Kalesija i lokalni organi vlasti.

Od 2003. godine, kada bilježimo prvi dolazak ovoga tima na Tuzlanski kanton, očišćeno je 149 objekata i pružena potpora u procesu deminiranja na 5 deminerskih zadataka.

### **Deminiranje na području TK u izvedbi drugih organizacija i kompanija**

Na realizaciji projekata, u toku 2011. godine, na poslovima deminiranja, pored tima civilne zaštite i deminerskih timova OS BiH, bilježimo pojačan angažman i drugih domaćih i stranih kompanija i organizacija kao što su: Pro Vita, C.I.D.C., NPA, UG Demira, Doking i dr.

### **Sufinansirano deminiranje na području TK**

Tokom izvještajnog perioda realizirani su projekti deminiranja za koje je **Ugovor** o sufinansiranju potpisani tokom 2010. godine. Udruživanjem vlastitih sredstava (općina i kanton) i sredstava Međunarodnog fonda ITF omogućeno je realiziranje projekata deminiranja, na području općina: Banovići, Kalesija, Lukavac, Sapna i Tuzla. Na ovaj način deminirana je površina terena od 149.004,00 m<sup>2</sup> za što je lokalna zajednica uložila 118.779,57 KM, a Vlada SAD, preko ITF-a 184.841,13 KM.

**Drugi Ugovor** je realiziran preko HO Pro Vita Mostar koja je dobila sredstva od Evropske Komisije i zadaću da ih implementira na području BiH. Zahvaljujući ovim sredstvima obavljeno je deminiranje na dva projekta (Banovići i Kalesija) u ukupnoj površini od 144.618,00 m<sup>2</sup>. Za finansiranje ovih projekata lokalna zajednica je uložila 42.935,40 KM, a EK 246.300,60 KM.

**Treći Ugovor** je realizira na temelju doniranih sredstava od strane Vlade Japana i to na području općine Lukavac za deminiranje 146.564,00 m<sup>2</sup> i Petrovo (RS) za deminiranje 202.869,00 m<sup>2</sup>.

Generalno se može reći da je i ove godine nastavljen trend povećanja deminiranih površina, na području TK.


Red. broj	ID DEM	Lokacija– naziv projekta	Općina	PM akcija	Površina u radu /m <sup>2</sup> /	Izvođač	Početak radova	Završ. radova	Ukupno Završeno: /m <sup>2</sup> /
1.	12976	D.Skipovac šuma Gušta 1.	Gračanica	čišćenj	0	CIDC	03.12.10.	12.01.11.	20.831,58
2.	12968	Luke 1.	Teočak	T I	0	Ivša	04.11.10.	17.01.11.	101.457,00
3.	12750	MZ Treštenica 2C	Banovići	T I	88.869,29	OS BiH	14.03.11.		0
4.	12935	Tramošnica - Visivi 2.	Gradačac	T I	0	OS BiH	14.03.11.	10.06.11.	152.854,45
5.	12974	LZ Turić-Duge njive,	Gradačac	čišćenj	0	UEM	23.03.11.	08.04.11.	39.640,00
6.	12418	Baljkovica–Pravosl.groblj.	Sapna	T I	0	FU/KUCZ	04.04.11.	02.06.11.	15.868,07
7.	13022	Markovići – Memići 4.	Kalesija	T I	0	ProVita	06.04.11.	25.05.11.	48.220,00
8.	13002	LZ Turić – Taborište	Gradačac	T I	0	UEM	08.04.11.	28.04.11.	14.217,61
9.	12975	Kojići-okućnice 2.	Gračanica	T I	0	CIDC	11.04.11.	10.05.11.	74.468,44
10.	12979	Kojići	Gračanica	T I	0	CIDC	11.04.11.	01.06.11.	76.753,00
11.	12978	Skipovac-Brdani 5.	Gračanica	T I	0	CIDC	11.04.11.	29.04.11.	32.493,00
12.	13003	LZ Turić - Topolovače	Gradačac	čišćenj	0	UEM	21.04.11.	18.05.11.	15.140,67
13.	13039	LZ Turić, Ravne njive-Prv.	Gradačac	T I	0	UEM	10.05.11.	14.06.11.	75.000,00
14.	13023	Ada Bare	Banovići	T I	0	Provita	11.05.11.	04.08.11.	96.398,00
15.	13045	LZ Turić Liporašće, D. njive	Gradačac	T I	0	OS BiH	19.05.11.	06.10.11.	117.598,00
16.	13047	LK Cerik-Đurići	Lukavac	T I	0	DOKING	26.05.11.	07.07.11.	73.912,00
17.	13052	MZ Orahovica, zas.Strojna	Lukavac	čišćenj	0	FU/KUCZ	09.06.11.	14.07.11.	3.916,00
18.	13037	Kovačevića Brijeg 1C	Sapna	čišćenj	0	C.I.D.C.	09.06.11.	01.07.11.	7.554,00
19.	13038	Seona Greben S. jezero	Banovići	T I	0	C.I.D.C.	09.06.11.	17.06.11.	9.997,00
20.	13029	Mehmedović Hemlijaši 1.	Kalesija	T I	0	C.D.D.C.	10.06.11.	12.07.11.	36.675,00
21.	13070	Spreča Bokovi 1.	Lukavac	T I	0	NN IVŠA	23.06.11.	28.07.11.	59.505,00
22.	13026	Vijenac Stambene 2.	Lukavac	T I	0	C.I.D.C.	28.06.11.	15.07.11.	10.203,00
23.	13069	Spreča Bokovi 2.	Lukavac	T I	0	NN IVŠA	29.06.11.	28.07.11.	64.208,00
24.	13071	Handelići Sejdinovac	Sapna	čišćenj	0	C.I.D.C.	30.06.11.	29.07.11.	5.618,00
25.	13035	Vijenac Stambene, odmaral.	Lukavac	čišćenj	0	C.I.D.C.	30.06.11.	04.08.11.	11.856,00
26.	13077	Kovačica Površ. lok.vodov.	Tuzla	T I	0	C.I.D.C.	12.07.11.	28.07.11.	6.839,00
27.	13082	Pelemiši 2.	Kladanj	T I	0	C.I.D.C.	15.07.11.	10.08.11.	9.703,00
28.	13089	LZ Turić, Konačište	Gradačac	T I	0	NPA	20.07.11.	29.09.11.	35.406,00
29.	13073	MZ Sižje-Spreča, izvor Sišk	Lukavac	čišćenj	0	IVŠA/Detekt	20.07.11.	14.09.11.	19.729,79
30.	13084	Kovačica, okućnica	Tuzla	T I	0	C.I.D.C.	27.07.11.	17.08.11.	15.296,00
31.	13083	Spreča Krtova 1A	Lukavac	T I	0	Detektor	27.07.11.	09.08.11.	14.228,00
32.	13088	Spreča Krtova 1.	Lukavac	T I	0	Detektor	27.07.11.	09.08.11.	9.398,00
33.	13075	Put Brijeznica, Grabov Gaj	Gradačac	čišćenj	0	FU/KUCZ	01.08.11.	28.10.11.	4.331,00
34.	13092	Lendići-Čolin potok	Gračanica	T I	0	C.I.D.C.	01.08.11.	17.08.11.	30.847,00
35.	13102	LK Cerik - Grebici	Lukavac	T I	0	Stop mines	04.08.11.	23.09.11.	87.254,00
36.	13085	Đukići	Gradačac	T I	0	OS BiH	08.08.11.	17.11.11.	24.344,00
37.	13093	Spreča Viseći most	Lukavac	T I	0	Detektor	09.08.11.	13.09.11.	12.831,00
38.	13094	Spreča Bulina brana	Lukavac	T I	0	Detektor	09.08.11.	13.09.11.	13.221,00
39.	13101	LK cerik Grabici 1.	Lukavac	čišćenj	0	Stop mines	15.08.11.	23.09.11.	35.119,00
40.	13064	LZ Turić Topolovače 1.	Gradačac	T I	0	Doking	17.08.11.	27.10.11.	90.302,00
41.	13097	Spreča – Berkovica	Lukavac	T I	0	Detektor	01.09.11.	14.09.11.	11.199,00
42.	13117	Porebrice 5.	Gradačac	T I	0	NN IVŠA	15.09.11.	14.10.11.	97.606,00
43.	13123	Lendići	Gračanica	T I	0	NN IVŠA	22.09.11.	10.11.11.	76.033,00
44.	13140	Kapavac 2.	Čelić	čišćenj	0	FU/KUCZ	31.10.11.	11.11.11.	703,19
45.	13154	VB Ljubače	Živinice	čišćenj	0	FU/KUCZ	14.11.11.	22.11.11.	251,00
		<b>Ukupno:</b>			<b>88.869,29</b>	<b>Ukupno: 1.847.894,09</b>			<b>1.759.024,8</b>

Tabela broj 6: Pregled deminiranih projekata na području TK u 2010. godini

Tokom deminerske sezone 2011. okončano je 45 projekata i deminirane su površine od:


Metoda rada-deminiranja	Broj projekata	Deminirana površina /m <sup>2</sup> /
Čišćenje	12	164.690,23
Tehničko izviđanje	33	1.594.334,57
<b>Ukupno:</b>	<b>45</b>	<b>1.759.024,80</b>

Tabela broj 7: Broj realiziranih projekata po metodi rada sa ukupno deminiranim površinama



Grafikon broj 1: Pregled deminiranih površine po općinama TK, u 2011. godini  
(Ukupno deminirano: 1.759.024,80 m<sup>2</sup>)

Prema podacima iz općinskih službi civilne zaštite sa područja Tuzlanskog kantona od početka izvođenja humanitarnog deminiranja do danas deminirana je površina terena od 9.535.947,18 m<sup>2</sup>. Ovi podaci se temelje isključivo na certifikatima o deminiranoj površini koje posjeduju predstavnici iz općina. Međutim, činjenica je da je u prošlosti deminirana nešto veća površina za koji ili nisu izdati ili nisu dostavljeni validni certifikati. Posebnu pažnju treba posvetiti deminiranju koje je obavljeno tokom 1997/98 godine kada su značajne površine deminirane (Tuzla, Kalesija, Lukavac i Gradačac) ali za obavljene posao nisu izdati certifikati ili, možda, u BH MAC-u postoje neki zapisi koji mogu imati odgovarajuću validnost kako bi se takve površine mogle mogle u procesu redukcije sumnjive površine tretirati kao prostori bez vidljivog rizika.



Grafikon broj 2: Deminirane površine po općinama, na području TK, za period 1997.-2011.  
(Ukupno deminirano: 9.536.947,18 m<sup>2</sup>)

## **Obilježavanje minskih polja**

Pored trajnog i polutrajnog obilježavanja sumnjivih površina u sklopu projekata koji su bili predmet izvođenja deminerskih radova, tokom ove godine, kao i ranije, svakodnevno se vrši hitno obilježavanje rizičnih površina koje su izvodili predstavnici RU BHMAC-a i uglavnom osobe iz struktura civilne zaštite. Kao najznačajniji i najveći projekat koji je realiziran na obilježavanju minskih polja je projekat, na području općine Gradačac. Naime, postavljanje trajnih upozoravajućih znakova obavljeno je u MZ Jasenica, na 3 lokacije (123 znaka). Također, postavljeno je i 6 bilbord plakata. Na kraju realizacije ovoga projekta obavljeno je predavanje za rizične grupe (školska djeca, lovci, ribolovci i poljoprivrednici), na temu „Uzoravanje na opasnost od mina“. Sveukupne radove na ovom zadatku obavili su predstavnici kompanije „Posavina bez mina“

## **4. Prva medicinska pomoć**

Prema podacima Zavoda za javno zdravstvo TK, u periodu od 01.01.2011. do 31.12.2011. godine, prijavljeno je, na području 13 općina TK, ukupno 3.161 slučajeva oboljevanja od zaraznih i parazitarnih bolesti, na pojedinačnim prijavama.

Vodeće bolesti, prema pojedinačnim prijavama, bile su: Varicella - 1326 slučajeva, Enterocolitis-764 slučajeva, TBC activa-292 slučaj, Scabies-158 slučajeva, Hbs antigenaemia-56 slučajeva, Toxiinfectio alimentaris-62 slučajeva, Parotiitis epidemica-150 slučajeva, Influenca-94 slučajeva, Scarlatina-54 slučajeva i Angina streptococcica -40 slučajeva.

Nije bilo prijavljenih epidemija zaraznih bolesti.

**Prijavljeno je 13 slučajeva smrti od zaraznih bolesti i to:** Dg. Tuberculosis pulmo (A 15) - 9 slučajeva (Tuzla-3 slučajeva, Gradačac-3 slučajeva, Srebrenik-2 slučajeva i Kladanj- jedan slučaj), Dg. Sepsis - 2 slučajeva (općine: Tuzla i Lukavac) i Dg. Meningoencephalitis ac (A 86) - 1 slučaj (općina Gračanica) i Dg. Enterocolitis ac. - 1 slučaj (općina Tuzla).

## **Trovanje hranom**

Dana 04.09.2011. godine, u jutarnjim satima, u Službi hitne medicinske pomoći, Kalesija, 19 lica je zatražilo pomoć sa simptomima: mučnina, bolovi u stomaku, povraćanje i proljev. Isti su, dana 03.09.2011.godine, bili na svadbi i motelu Košuta u Kalesiji, gdje su konzumirali pečeno meso, suhomesnate i mliječne proizvode.

Tri pacijenta su upućena na Infektivnu kliniku UKC-a Tuzla, a nakon ukazane medicinske pomoći pušteni su na kućno liječenje.

HES služba Dona zdravlja Kalesija je, u saradnji sa Zavodom za Javno zdravstvo TK, proglasila, dana 05.09.2011., epidemiju Toxiinfectio alimentaris (A05,9).

## **5. Zaštita i spašavanje životinja i namirnica životinjskog porijekla**

Prema izvještaju JP“Veterinarski zavod TK“ Tuzla, na području TK, na osnovu izvršenog dijagnostičkog ispitivanja uzoraka krvi životinja, registrovana su, **ukupno 14 pozitivnih nalaza na brucelozu (RVK test-Veterinarski fakultet Sarajevo)** i to: 5 ovce, 4 krava i 5 koza.

Pregled pozitivnih nalaza uzoraka krvi životinja po općinama: Živinice-6, Tuzla-2, Gradačac-2, Doboj Istok-1, Banovići-1, Srebrenik-1 i Lukavac-1.

## **Bjesnilo kod životinja**

Bjesan pas-lutalica (ženka), ugrizao je dvije osobe (dijete i odrasla osoba), u zaseoku Trstje, MZ Gornja Lipnica, općina Tuzla (06.07.2011. godine).

Bjesnilo psa je utvrđeno nalazom na Veterinarskom fakultetu Sarajevo (08.07.2011. godine), dok je nalaz, analizom tkiva tri šteneta zaražene životinje, pokazao da štenad nisu bila zaražena bjesnilom.

U toku dana: 12. i 13. 07. 2011. Zavod za javno zdravstvo TK, je obezbijedio 10 bočica seruma protiv bjesnila (dovoljno za 4 osobe) i 145 doza vakcina proti bjesnila (dovoljno za 29 osoba).

Općinska služba civilne zaštite Tuzla, na terenu je preduzela, u saradnji sa drugim nadležnim općinskim službama, sve neophodne mjere, iz svoje nadležnosti, u vezi sa navedenom problematikom.

## 6. Asanacija terena

Izvršeno je neškodljivo uklanjanje leševa zaraženih životinja (ukupno 35 ovaca, 2 koza i jedna krava), na lokacijama za stočna groblja i na drugim lokacijama (privatno zemljište vlasnika zaraženih životinja), uz primjenu svih propisanih zakonskih mjera dezinfekcije i drugih zaštitnih mjera, u slijedećim općinama:

Srebrenik – 30 ovaca, Banovići – jedna koza, Doboj-Istok – 4 ovce, Gradačac - jedna krave, Živinice – jedna koza, Gračanica – jedna ovca,

### Stočna groblja

Stalna lokacije za stočno groblje, za ukopavanje leševa eutaniziranih životinja, određena je samo u općinama: Kalesija i Sapna (data suglasnost Ministarstva poljoprivrede, vodoprivrede i šumarstva TK). U općinama: Gračanica, Lukavac, Tuzla i Kladanj određene su privremene lokacije za stočna groblja (nije data suglasnost nadležnog kantonalnog ministarstva).

U ostalim općinama nije određena lokacija za stočno groblje, a leševi životinja se ukopavaju na privatnim parcelama vlasnika životinja, uz prethodnu saglasnost nadležnih organa.

### Higijeničarske službe

Higijeničarske službe, zadužene za poslove ukopavanja leševa zaraženih životinja, formirane su u slijedećim općinama: Sapna (slabo opremljena), Gradačac i Srebrenik (u sastavu Komunalnog preduzeća), Čelić (u sastavu Doma zdravlja), Kalesija i Teočak (u okviru Veterinarskih stanica).

U ostalim općinama nisu formirane higijeničarske službe.

### Karantini

U općinama ne postoje karantini za zaražene životinje, nego se zaražene životinje nalaze u posjedu kod vlasnika životinja.

## 7. Zaštita okoliša

### Klizišta

Klizišta su aktivirana u svih 13 općinama TK: Banovići, Čelić, Doboj-Istok, Gračanica, Gradačac, Kalesija, Kladanj, Lukavac, Sapna, Srebrenik, Teočak, Tuzla i Živinice.

**Aktivirano je ukupno 76 klizišta** (48 nova i 28 starih klizišta).

**Oštećeni objekti:** 8 stambenih objekata, 2 magistralna puta (M-18 i M-4), 24 lokalna puta, 8 infrastrukturnih objekata, 26 pomoćnih objekata, 23 parcele poljoprivrednog zemljišta, 6 vjerskih objekata, 4 regionalna puta (R-458, R-460, R-469, R-471), 7 lokalnih vodovoda, 2 mezarja i 3 voćnjaka.

**Ugroženi objekti:** 31 stambenih objekata, 2 magistralna puta (M-18 i M-19), 4 regionalna puta (R-458, R-460, R-469, R-471), 12 lokalnih puteva, 29 pomoćnih objekata, 22 parcele poljoprivrednog zemljišta, 5 vjerskih objekata, 14 infrastrukturnih objekata, 2 lokalna vodovoda.

**Sanirano je 37 klizišta, u općinama:** Banovići-1, Doboj Istok-4, Kalesija-24, Kladanj-3, Lukavac-1 i Živinice-4.

### Suša

Dugotrajna suša u toku ljetnog i jesenjeg perioda izazvala je, u većini općinama TK, nedostatak vode za piće, higijenske potrebe stanovništva i za napajanje stoke. Presušili su lokalni vodni objekti u prigradskim i seoskim mjesnim zajednicama, a drastično je smanjen dotok vode u izvorišta gradskih vodovoda, što je dovelo do redukcije u snabdijevanju vodom, i što je imalo za posljedicu angažovanje alternativnog načina dostave vode stanovništvu tj. autocisternama, u većini općina na području TK.

Prevoz vode u autocisternama vrši se u svim općinama TK, izuzev općina Lukavac i Sapna.

Najteža situacija je na području općina Tuzla i Srebrenik, gdje troškovi prevoza vode za piće iznose više desetina hiljada KM i gdje svakodnevno više pravnih lica vrše dostavu vode.

KUCZ je, na osnovu dobijenih izvještaja OSCZ, sačinila zbirnu Informaciju o problemima vodosnabdijevanja i dodatnih troškova zbog suše na području općina TK, koja je pokazala da troškovi prelaze visinu od 220.000,00 KM.

## **Pomor ribe**

HA Modrac

Dana 05.09.2011. godine, Kantonalni operativni centar civilne zaštite (KOC CZ) obaviješten je od OOC CZ Tuzla, da je registrovano uginuće ribe na HA Modrac, lokacija Kiseljak, općina Tuzla, o čemu je odmah informisan kantonalni vodoprivredni inspektor.

Na lice mjesta, izašli su, dana 06.09.2011. godine, predstavnici: Sportsko-ribolovnog društva (SRD) „Rudar Kreka“, Tuzla, OSCZ Tuzla, i Kantonalni i Federalni vodoprivredni inspektori.

Tom prilikom je konstatovano da se duž obale HA (oko 100 m) nalazi oko 20 komada uginule ribe (linjak i štuka), a ribari su iz HA iznijeli još oko 50 komada uginule ribe. Izvršen je obilazak HA i na lokaciji Bokavići, i na tom dijelu nije bilo uginule ribe.

Nije registrovan novi slučaj uginuća ribe na HA, tako da dalji inspekcijski nadzor, na navedenoj lokaciji, nije vođen.

HA Vidara, Gradačac

KUCZ je dopisom informisana, od strane nadležnog kantonalnog vodoprivrednog inspektora, da je do pomora ribe, (dana 26.08.2011. godine), u HA Vidara, općina Gradačac, došlo usljed nekontrolisanog ispuštanja cjelokupne količine vode iz HA Vidara, što je posljedica kvara na 2 ventila na temeljnom ispustu vode iz HA.

Do navedenog incidenta je došlo tokom radova na sanaciji: brane, temeljnog ispusta, betonskog zatvarača i prelivnog tornja HA Vidara, koji se izvode na osnovu Rješenja Agencije za vodno područje rijeke Save, Sarajevo.

Imajući u vidu da je HA Vidara po Zakonom o vodam Federacije BiH, razvrstana u vode I kategorije, za šta je nadležna Federalna vodna inspekcija, kantonalni vodoprivredni inspektor nije preduzeo nikakve daljne mjere, a za eventualno donošenje rješenja sa upravnim mjerama, nadležan je Federalni vodoprivredni inspektor.

## **Zimsko održavanje puteva**

U svim općinama TK izvršene su, u toku novembra 2011. godine, odgovarajuće pripreme za zimsko održavanje gradskih ulica, lokalnih kategorisanih i drugih nekategorisanih puteva, u nadležnosti općina. U većini općina potpisani su ugovori sa firmama koje će obavljati ove poslove u zimskom periodu. Obezbjedena je odgovarajuća mehanizacija, posipni materijal i pogonsko gorivo.

OSCZ su izvršile neophodne pripreme za angažiranje ljudstva i MTS, u vlasništvu građana, posebno u seoskim MZ, u slučaju većih snježnih padavina, kada redovno angažirane snage ne bi mogle obezbijediti prohodnost puteva.

Federalna direkcija cesta, Sarajevo i Direkcija cesta Tuzla, obavili su sve neophodne pripreme za održavanje magistralnih i regionalnih puteva, na području TK i potpisali ugovore sa odgovarajućim firmama za održavanje navedenih puteva, u zimskoj sezoni 2011/2012. godina.

Firme koje su zadužene za održavanje puteva u zimskom periodu, obavile su poslove na zadovoljavajući način tako da su svi regionalni, magistralni i važniji lokalni putevi bili prohodni, te nije bilo prekida u odvijanju saobraćaja.

## **8. RHB zaštita**

Dana 02.12.2011. godine, u laboratoriji na Tehnološkom fakultetu Univerziteta u Tuzli, došlo je do isticanja hlora na ventilu boce pod pritiskom, koja se nalazila izmještena u ateljeu iza zgrade fakulteta.

Odmah po dobivanju informacije o nastalom akcidentu uključena je Općinska služba civilne zaštite Tuzla i Kantonalni inspektor za zaštitu okolice, koji je preduzeo potrebne aktivnosti. Dana 03.12.2011. godine, navedena boca je uz pomoć ovlaštenog preduzeća „RECIKLON“ D.O.O. Sarajevo, prenešena u krug firme „ORGANIKA“ D.O.O. Tuzla (bivši HAK I), o čemu je napravljena službena zabilješka.

Opasnost od nekontroliranog ispuštanja hlora i ugrožavanja stanovništva, nakon održanog sastanka u KUCZ i sjednice OŠCZ Tuzla, je svedena na minimum i nastali akcident je stavljen pod kontrolu.

### **9. Zaštita i spašavanje u rudnicima**

Dana 26.04.2011. godine u 00,10 sati, dogodila se nesreća u Rudniku mrkog uglja Banovići-jama Omazići, kom prilikom je povrijeđeno 5 rudara (3 teško i 2 lakše povrijeđena rudara). Lakše povrijeđeni rudari su, nakon ukazane medicinske pomoći u UKC Tuzla, pušteni kući. Jedan rudar je zadobio vrlo teške povrede i upućen je na liječenje u UKC Tuzla.

Predpostavlja se da je uzrok nesreće zaostala-neiskorištena rudarska kapisla-detonator.

## **IV Kapitalni projekti**

### **Operativni centri civilne zaštite**

Projektom "Operativni centri civilne zaštite Tuzlanskog kantona" predviđeno je opremanje operativnih centara civilne zaštite na području TK, u cilju osiguranja efikasne organizacije i upravljanja sistemom zaštite i spašavanja u prirodnim i drugim nesrećama, bazirano na modernim tehničko-tehnološkim osnovama.

Programom implementacije projekta predviđeno je da se u prvoj fazi realizacije projekta uspostavi međusobna radio veza i protok informacija između općinskih i kantonalnog operativnog centra uspostavljanjem UHF/VHF mreže. Predviđeno je da KUCZ, kao glavni nosilac izrade i realizacije projekta, obezbjedi osnovnu infrastrukturu za realizaciju projekta. U prvoj fazi implementacije projekta predviđena je nabavka 3 digitalne repetitorske radio stanice, koje će biti postavljene na lokacijama Okresanica, Goduški vis i Konjuh, te nabavka 14 fiksnih digitalnih radio stanica, koje će biti postavljene u svih 13 općinskih operativnih centara a jedna će biti montirana u Kantonalnom operativnom centru.

Finansijska sredstva su osigurana iz neutrošenih sredstava vlastitih-namjenskih prihoda KUCZ (prihod 306), a u skladu sa Planom korištenja sredstava zaštite i spašavanja u 2011. godini (broj: 18/01-44-156/11 od 28.02.2011. godine), kojeg je usvojio Kantonalni štab civilne zaštite. Kantonalni štab civilne zaštite je na 6. redovnoj sjednici održanoj 26.09.2011. godine, donio Odluku o odobravanju novčanih sredstva u iznosu od 60.000,00 KM za nabavku, postavljanje i programiranje komunikacijske opreme.

Komisija za javne nabavke Kantonalne uprave civilne zaštite provela je postupak odabira najpovoljnije ponude za isporuku komunikacijske opreme u okviru procedure konkurentskog zahtjeva za dostavu ponuda. Komisija je konstatovala da je najnižu cijenu tehnički zadovoljavajuće ponude dostavio ponuđač "Elzas" doo Sarajevo, na iznos 57.480,93 KM (sa uračunatim PDV-om), te je predložila direktoru KUCZ da donese Odluku kojom se kao najpovoljnija bira ponuda ponuđača "Elzas" doo Sarajevo. Direktor KUCZ je 16.11.2011. godine donio Odluku o odabiru najpovoljnijeg ponuđača, te je 01.12.2011. godine potpisan Ugovor o isporuci komunikacijske opreme. Ugovor su potpisali direktor KUCZ kao naučilac i direktor firme "Elzas" doo Sarajevo, kao isporučilac opreme. Ugovorom je definisano da je rok za isporuku opreme 30 dana od dana uplate avansa po ispostavljenoj fakturi, a kako je dobavljaču avans uplaćen 30.12.2011. godine, rok za isporuku teče od tog dana.

Komisija za javne nabavke je također provela i postupak odabira najpovoljnije ponude za programiranje i postavljanje komunikacijske opreme u okviru procedure konkurentskog zahtjeva za dostavu ponuda. Komisija je konstatovala da je najnižu cijenu tehnički zadovoljavajuće ponude dostavio ponuđač "Elzas" doo Sarajevo, na iznos 12.200,76 KM (sa uračunatim PDV-om), te je predložila direktoru KUCZ da donese Odluku kojom se kao najpovoljnija bira ponuda ponuđača "Elzas" doo Sarajevo. Direktor KUCZ je 21.12.2011. godine donio Odluku o odabiru najpovoljnijeg ponuđača. Ugovor o programiranju i postavljanju komunikacijske opreme će biti potpisan u 2012. godini.



Redni broj	Opis	Cijena sa PDV-om (KM)	Sredstva doznačena dobavljaču (KM)	Faza realizacije
1.	Isporuka komunikacijske opreme	57.480,93	57.480,93	- Ugovor o isporuci opreme potpisan, - avans po računu plaćen, - isporuka opreme u toku 2012. godine
2.	Programiranje i postavljanje komunikacijske opreme	12.200,76	0,00	- Procedura odabira najpovoljnijeg ponuđača završena, - Ugovor će biti potpisan u 2012. godini.
UKUPNO		69.681,69	57.480,93	

Tabela 8: Cijena komunikacijske opreme i njeno postavljanje i programiranje

### **Pomoć općinama iz neutrošenih sredstava posebne naknade iz 2010. godine, za sufinansiranje sanacije šteta od prirodnih i drugih nesreća**

Na javni poziv za raspodjelu neutrošenih sredstava posebne naknade iz 2010. godine, za sufinansiranje sanacije šteta od prirodnih i drugih nesreća, dvanaest općina koje u skladu sa Odlukom o kriterijima za dodjelu pomoći općinama iz neutrošenih sredstava posebne naknade za zaštitu od prirodnih i drugih nesreća ("Sl. novine TK", broj: 07/09) ispunjavaju uslove za dodjelu pomoći, dostavilo je svoje zahtjeve za sufinansiranje projekata sanacije šteta. O osnovanosti zahtjeva izjasnila se Kantonalna komisija za procjenu šteta, nakon čega je Kantonalna uprava civilne zaštite izvršila detaljnu analizu svih pristiglih zahtjeva. Ukupno su kandidirana 52 projekta a tražena je pomoć u iznosu 1.178.042,61 KM. Nakon obrade zahtjeva, za sufinansiranje je odabrano 29 projekata. Rukovodeći se principom solidarnosti, Kantonalna uprava je sačinila prijedlog Odluke za dodjelu pomoći općinama, tako da se predložena pomoć općinama kretala od 20.454 KM (za općine Čelić i Kladanj) do 28.977 KM (za općinu Tuzla). Kantonalni štab je Odluku jednoglasno usvojio na sjednici održanoj 07. jula 2011. godine.

Sredstva dodijeljena općinama su namjenskog karaktera i koristiće se za sufinansiranje projekata sanacije šteta nastalih djelovanjem prirodnih nesreća u 2010. godini. Općinama su dodijeljena sredstva u ukupnom iznosu od 300.000 KM, i to:

- Općini Banovići je dodjeljeno 25.568,00 KM, na ime sufinansiranja izrade AB potpornog zida u MZ Podgorje-Čubrić.
- Općini Čelić je dodjeljeno 20.454,00 KM, na ime sufinansiranja sanacije klizišta i puta u naselju Tanjići, sanaciji kanalizacije u MZ Šibošnica i sanaciji klizišta u MZ Drijenča.
- Općini Doboj Istok je dodjeljeno 23.864,00 KM, na ime sufinansiranja sanacije vodotoka i klizišta u MZ Stanić Rijeka, sanaciji klizišta „Mezarje Gaj“ u MZ Klokotnica i sanaciji klizišta „Buzekara“ u MZ Brijesnica Velika.
- Općini Gračanica je dodjeljeno 27.273,00 KM, na ime sufinansiranja sanacije klizišta na putnom pravcu Džakule - P. Brdo i sanacije klizišta u MZ Malešići.
- Općini Gradačac je dodjeljeno 27.273,00 KM, na ime sufinansiranja izrade projektne dokumentacije i sanacije klizišta u MZ Mionica 3.
- Općini Kalesija je dodjeljeno 27.273,00 KM, na ime sufinansiranja sanacije klizišta u MZ Lipovice, klizišta u MZ Seljublje, klizišta Brda – Đedovići, klizišta Kundakovići, klizišta II MZ Seljublje, klizišta u MZ Jajići, klizišta Horozovina i klizišta Lešovina te za izgradnji mosta u MZ Memići.
- Općini Kladanj je dodjeljeno 20.454,00 KM, na ime sufinansiranja sanacije klizišta „Mezarje“ u Kladnju, klizišta „Dočanica“ i „Zakupna Vina“ u MZ Tarevo.
- Općini Lukavac je dodjeljeno 25.568,00 KM, na ime sufinansiranja u regulaciji potoka „Mednica“.

- Općini Sapna je dodjeljeno 22.159,00 KM, na ime sufinansiranja sanacije klizišta u naselju Plane I u MZ Goduš.
- Općini Srebrenik je dodjeljeno 23.864,00 KM, na ime sufinansiranja sanacije klizišta prema Starom Gradu (lokalitet III).
- Općini Tuzla je dodjeljeno 28.977,00 KM, na ime sufinansiranja sanacije klizišta „Musala“ u MZ G. Tuzla.
- Općini Živinice je dodjeljeno 27.273,00 KM, na ime sufinansiranja sanacije kanala „Sjever“ u MZ Centar, klizišta u MZ Priluk i zida Gostelja u MZ Litve.

Općina Teočak nije ispunjavala uslove iz Odluke Vlade TK o kriterijima za dodjelu pomoći općinama iz neutrošenih sredstava posebne naknade za zaštitu od prirodnih i drugih nesreća, jer nema formiranu općinsku službu civilne zaštite.

Finansijska sredstva su uplaćena općinama tokom mjeseca oktobra, a izvještaj o realizaciji sufinansiranih projekata općine će dostaviti u skladu sa utvrđenom dinamikom.

## V Ocjena stanja i postignutih rezultata

Poslije 2010. godine i katastrofalnih poplava praćenih velikim brojem klizišta, proglašenjem stanja prirodne nesreće na općinama i u dva navrata na području cijelog Tuzlanskog kantona i konačnom štetom oko 40 miliona konvertibilnih maraka, 2011. godina je bila relativno „mirna“. Nije bilo proglašenja stanja prirodne ili neke druge nesreće ni u jednoj općini i aktivnosti u oblasti zaštite i spašavanja bile su u najvećoj mjeri posvećene saniranju posljedica, preventivnim aktivnostima na vodotocima i daljnoj primjeni propisa i izgradnje sistema zaštite i spašavanja.

Pored redovnih poslova iz svoje nadležnosti koje ima kao samostalna kantonalna uprava, Kanotnalna uprava civilne zaštite je obavljala i druge poslove iz oblasti zaštite i spašavanja.

Od realiziranih poslova svakako treba istaći:

1. Izvještavanje:
  - Svakodnevna komunikacija, analiza nedeljnih izvještaja o aktivnostima u oblasti zaštite i spašavanja na općinama i poduzimanje odgovarajućih mjera.
  - Izrada mjesečnih planova i izvještaja o radu KUCZ i dostavljanje istih Premijeru TK i Direktorcu FUCZ.
  - Izrada godišnjih Programa i Izvještaja o radu KUCZ i njihova analiza i prihvatanje od strane Vlade i Skupštine TK.
2. Provođenje aktivnosti na izboru novog saziva KŠCZ, njegovo konstituisanje i uvođenje u redovnu funkciju u skladu sa Zakonom o zaštiti i spašavanju
3. Aktivno praćenje i omogućavanje uvjeta Kantonalnoj komisiji za procjenu šteta da obavlja svoju Zakonom o zaštiti i spašavanju utvrđenu ulogu.
4. Združenu vježbu „Pomoć građanima u nesreći“ upriličenu u okviru obilježavanja Međunarodnog dana civilne zaštite u organizaciji KUCZ a u suradnji sa OSCZ Tuzla, Kalesija, Srebrenik, Federalnim/Kantonalnim timom za deminiranje i uklanjanje NUS-a, Ministarstvom unutrašnjih poslova TK, mobilnim timom prve medicinske pomoći Doma zdravlja Tuzla i CKTK.
5. Izrade novog Pravilnika o unutrašnjoj organizaciji Kanotnalne uprave civilne zaštite u skladu sa nametnutim obavezama iz Zakona o zaštiti od požara i vatrogastvu.
6. Deminiranje:
  - Koordiniranje poslova deminiranja na području TK
  - Izrada liste prioriteta deminiranja na području TK u 2012. godini i koordiniranje izrade planova deminiranja u općinama TK
  - Realizacija poslova sufinansiranog deminiranja na području TK između Vlade TK i općina sa jedne strane i Međunarodnog fonda za deminiranje i pomoć žrtvama mina (ITF) i HO „PRO VITA“ iz Mostara s druge strane.

- Prikupljanje i uništavanje velikog broja NUS-a i pirotehničkih sredstava i više kilograma eksploziva.
  - Ostvarivanje najboljeg godišnjeg rezultata u deminiranju na području TK poslije rata.
7. Provođenje kompletnog postupka i raspodjela 300.000,00 KM neutrošenih sredstava posebne naknade za zaštitu od prirodnih i drugih nesreća na općinama TK.
  8. Pokretanje inicijative, učešće u izradi i donošenju nove Odluke o uvjetima i načinu prikupljanja i trošenja sredstava posebne naknade za zaštitu od prirodnih i drugih nesreća, koja omogućava potrošnju dosadašnjih prikupljenih a ne utrošenih sredstava za saniranje šteta, prevenciju, opremanje, obučavanje i sl., odnosno daljnje unapređenje sistema zaštite i spašavanja na području TK.
  9. Provođenje Zakonom predviđenog postupka i nabavka opreme za realizaciju prve faze Projekta operativnih centara civilne zaštite na području TK.
  10. Obavljanje pripremnih aktivnosti za izgradnju rezervnog Operativno-komunikacionog centra Bosne i Hercegovine – 112 pri KUCZ od strane Ministarstva sigurnosti BiH.
  11. Izdavanje novog broja glasila „Civilna zaštita“, jedinog takvog glasila u Bosni i Hercegovini u kojem se dokumentirano bilježe sve najvažnije aktivnosti u oblasti zaštite i spašavanja, afirmiraju navedeni poslovi i raznim stručnim priložima vrši edukacija struktura civilne zaštite i drugih lica.
  12. Kontinuirano ažuriranje WEB stranice KUCZ sa aktivnostima, propisima i svim najvažnijim događajima u oblasti zaštite i spašavanja.
  13. Izrada i na Vladi TK donošenje Programa rada za izradu plana zaštite i spašavanja od prirodnih i drugih nesreća, prema novoj Uredbi o sadržaju i načinu izrade planova zaštite i spašavanja od prirodnih i drugih nesreća i planova zaštite od požara („Službene novine Federacije BiH“, broj: 8/11).

U navedenom periodu ostvarena je veoma dobra saradnja sa novim sazivom Vlade TK i Skuštine TK što je rezultiralo jednoglasnom podrškom prilikom usvajanja dokumenata KUCZ o kojima je raspravljano.

Ostvarena je veoma dobra saradnja sa medijima koji su veoma afirmativno izvještavali o aktivnostima koje se vode u oblasti zaštite i spašavanja i stvaranja pozitivnog stava javnosti o civilnoj zaštiti i učešću u provođenju mjera zaštite i spašavanja.

U 2011. godini nisu završeni poslovi na izradi i donošenju Plana zaštite i spašavanja ljudi i materijalnih dobara od prirodnih i drugih nesreća.

To nije učinjeno iz više razloga:

- Nedostatka mehanizama da se neki subjekti odgovorni za dostavu podataka „natjeraju“ da dostave tražene podatke,
- Odsustvo i odlazak u penziju Pomoćnika direktora – Rukovodioca sektora zaštite i spašavanja,
- Inoviranje i donošenje novog propisa za izradu navedenog dokumenta, Uredbi o sadržaju i načinu izrade planova zaštite i spašavanja od prirodnih i drugih nesreća i planova zaštite od požara.

Na osnovu navedene Uredbe, urađen je Program za izradu Plana zaštite i spašavanja ljudi i materijalnih dobara od prirodnih i drugih nesreća za Tuzlanski kanton, usvojen na Vladi TK i izrada navedenog Plana je u toku.

## VI Programska orijentacija

Kantonalna uprava civilne zaštite će nastaviti daljnju izgradnju sistema zaštite i spašavanja ljudi i materijalnih dobara od prirodnih i drugih nesreća, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća (“Službene novine Federacije BiH”, broj: 39/03, 22/06 i 43/10) i Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu (“Službene novine Tuzlanskog kantona”, broj: 10/08).

Također, biti će intezivirana implementacija Zakona o zaštiti od požara i vatrogastvu (“Službene novine Federacije BiH”, broj:64/09) i Zakona o zaštiti od požara i vatrogastvu u Tuzlanskom kantonu, čije se donošenje od strane Skupštine TK očekuje početkom 2012. godine.

U okviru normativno-pravnih poslova bit će urađena nova Odluka o postupku i kriterijima za dodjelu jednokratne novčane pomoći općinama Tuzlanskog kantona za otklanjanje šteta nastalih od prirodnih i drugih nesreća.

U dijelu studijsko-analitičkih i stručno-operativnih poslova izvršit će se inoviranje Procjene ugroženosti od prirodnih i drugih nesreća područja Tuzlanskog kantona.

Bit će dovršeni započeti poslovi i donesen Plan zaštite i spašavanja od prirodnih i drugih nesreća Tuzlanskog kantona.

Planirana je izrada Procjene ugroženosti od požara i Plana zaštite od požara TK.

Također je planirano da se uradi radna verzija Programa razvoja zaštite i spašavanja ljudi i materijalnih dobara od prirodnih i drugih nesreća na području Tuzlanskog kantona.

U skladu sa članom 180. Zakona o zaštiti i spašavanju, bit će urađen Plan korištenja sredstava posebne naknade za zaštitu od prirodnih i drugih nesreća u 2012. godini i Izvještaj o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2011. godini.

Također će u skladu sa članom 137. Zakona o zaštiti od požara i vatrogastvu, biti urađen Plan korištenja sredstava naknade za zaštitu od požara i vatrogastvo u 2012. godini i Izvještaj o prikupljanju i korištenju sredstava naknade za zaštitu od požara u 2011. godini.

U skladu sa navedenim zakonima bit će formiran Inspektorat za zaštitu i spašavanje i aktiviran inspeksijski nadzor u oblasti civilne zaštite, zaštite od požara i vatrogastva.

U realizaciji navedenih ciljeva i zadataka bit će ostvarena potpuna suradnja sa kantonalnim organima uprave i institucijama, pravnim licima i drugim subjektima u skladu sa navedenim propisima na izgradnji u unapređivanju sistema zaštite i spašavanja, prevenciji, unapređenju organizacije rada i korištenja snaga i sredstava civilne zaštite, izradi planskih i izvještajnih dokumenata i provođenju mjera zaštite i spašavanja ljudi i materijalnih dobara od prirodnih i drugih nesreća.

Voditi stalne aktivnosti na još aktivnijem uključivanju, pored organiziranih struktura civilne zaštite, općinskih službi za upravu, kantonalnih ministarstava, drugih kantonalnih organa uprave, javnih službi i preduzeća, privrednih društava i drugih pravnih subjekata čija je djelatnost od značaja za zaštitu i spašavanje, kako bi se ostvarila koncepcija Zakona o zaštiti i spašavanju o jedinstvenom i sveobuhvatnom pristupu poslovima zaštite i spašavanja.

Izraditi Akcioni plan za umanjeње opasnosti od poplava i klizanja tla, na području Tuzlanskog kantona i nastaviti aktivnosti i traženje novih mogućnosti i izvora sredstava za ubrzavanje poslova deminiranja Tuzlanskog kantona.

U općinskim službama i Kantonalnoj upravi civilne zaštite poduzeti sve neophodne mjere, putem obuka, savjetovanja i vježbi kako bi se unaprijedila spremnost pripadnika struktura civilne zaštite i građana, za poduzimanje preventivnih mjera zaštite i spašavanja ljudi i materijalnih dobara od prirodnih i drugih nesreća.

Stvoriti pretpostavke za funkcioniranje Operativnih centara CZ u svim općinama, 24 sata dnevno, za vrijeme trajanja stanja prirodne ili druge nesreće, ili u periodu kada se ocjeni da postoji neposredna opasnost od nastanka prirodne ili druge nesreće.

Nastaviti i dalje unapređivati suradnju sa Federalnom upravom civilne zaštite, kantonalnim upravama civilne zaštite sa područja Federacije BiH, regionalnim i općinskim organima civilne zaštite Republike Srpske i Distrikta Brčko.

## **VII Pregled unutrašnje organizacije, kadrovske i materijalne osposobljenosti, kao i potrebe za kadrovskim i materijalnim osposobljavanja organa i stručnim usavršavanjem državnih službenika i namještenika**

U obavljanju poslova iz oblasti zaštite i spašavanja i realizaciji planiranih zadataka iz Programa rada KUCZ, za 2011. godinu, u KUCZ angažirano je ukupno 12 zaposlenika, od čega 7 državnih službenika (direktor, sekretar, pomoćnik direktora, šef kantonalnog operativnog centra civilne zaštite /KOC CZ/, stručni savjetnik za deminiranje i NUS, stručni savjetnik za mjere zaštite i spašavanja i stručni saradnik za ekonomsko finansijske poslove) i 5 namještenika (viši referent za administrativno-tehničke poslove, 3 viša referenta za osmatranje i uzbunjivanje u KOC CZ i viši referent – vozač, magaciner, kurir).

Postojeći broj izvršilaca nije dovoljan za obavljanje poslova koje su definisali važeći propisi iz ovih oblasti, posebno ako se uzme u obzir da su u Pravilniku o unutrašnjoj organizaciji KUCZ sistematizirani poslovi za 22 izvršioca, od čega 6 rukovodećih državnih službenika, 8 državnih službenika i 8 namještenika. Iz navedenog se vidi da je to manje za 10 izvršilaca. Pri tome je bitno napomenuti da upošte nije popunjen jedan veoma bitan segment zaštite i spašavanja, zaštite od požara i vatrogastvo, a to je nadzor i inspeksijski nadzor (sistematizovano ukupno 4 izvršioca, i to: glavni inspektor i tri inspektora). Osim toga, nema niti jednog izvršioca na poslovima zaštite od požara i vatrogastvo, što je zakonska obaveza, nakon što je ova oblast pridodata civilnoj zaštiti ( u KUCZ je sistematizovan jedan izvršilac, mada je zakonska obaveza ustanoviti posebnu organizacionu jedinicu za ovu oblast). U KUCZ nije popunjen ni drugi pomoćnik direktora, odnosno rukovodilac sektora za administrativno tehničke i inspeksijske poslove, stručni savjetnik za zaštitu i spašavanje i dva viša referenta za osmatranje i uzbunjivanje

U KOC CZ, u sastavu KUCZ, uposlena su 4 izvršioca (šef KOC CZ i 3 viša referenta za osmatranje i uzbunjivanje), što omogućava obavljanje svakodnevno poslove u dvije smjene. Međutim, rad KOC CZ treba biti svakodnevno i u trajanju od 24 sata, što je utvrđeno odredbama Zakona o zaštiti i spašavanju u Federaciji BiH, što se ne može osigurati bez prijema još dva viša referenta za osmatranje i uzbunjivanje.

Materijalna opremljenost KUCZ, u odnosu na broj zaposlenika je u okvirima zadovoljavajućeg. Popunom nedostajućih izvršilaca, posebno u inspeksijskom nadzoru i protupožarnoj zaštiti i vatrogastvu, neophodna su dodatna materijalna sredstva i oprema. Tu se prvenstveno misli na vozilo, računare, kancelarijski namještaj i drugu opremu neophodnu za rad ovih izvršilaca.

Rad u upravi, a posebno se to odnosi na zaposlenike koji rade u civilnoj zaštiti, zahtijeva stalno osposobljavanje i stručno usavršavanje. Toje i zakonska obaveza, izričito definisana u više propisa iz ovih oblasti. Kako se radi o specifičnostima u vrsti i načinu osposobljavanja, koje zahtijevaju programe obuke i stručne predavače i praktičare, to su za sve to neophodna i materijalna sredstva (budžetska i iz posebne naknade)

Općinski operativni centri civilne zaštite (OOC CZ) formirani su, (na osnovu Odluka nadležnog općinskog organa), u općinama: Banovići, Gračanica, Gradačac, Kalesija, Kladanj i Tuzla.

U navedenim OOC CZ uposlen je po jedan izvršilac, osim u Tuzli, gdje je uposleno 5 izvršilaca-referent za osmatranje i uzbunjivanje.

U općinama: Čelić, Doboj Istok, Lukavac, Sapna, Srebrenik, Teočak i Živinice još uvijek nisu formirani OOC CZ. Popuna Operativnih centara u OSCZ potrebnim brojem izvršilaca, koji obezbjeđuje rad Operativnog centra 24 sata u toku dana, u periodu kada je proglašeno stanje prirodne ili druge nesreće, izvršit će se mobilizacijom.

U Federalnom/Kantonalnom timu civilne zaštite za deminiranje i uklanjanje NUS-a, čiji rad direktno nadzire i koordinira KUCZ, bilo je angažirano ukupno 14 pripadnika, od kojih 4 pripadnika u "A" komponenti tima, na prikupljanju i neutralisanju neeksplozivnih ubojitih sredstava (NUS), a 10 pripadnika u "B" komponenti tima, na deminiranju objekata infrastrukture, koji su u funkciji zadovoljavanja potreba prognanih i izbjeglih lica.

Na nivou TK postoji Kantonalni štab civilne zaštite (KŠCZ), kao operativno-stručni organ Vlade TK, koja je na osnovu inovirane Odluke o osnivanju KŠCZ, dana 15.04.2011. godine, donijela novo Rješenje o postavljenju komandanta, načelnika i članova KŠCZ, koji ima 14 članova. Navedenom Odlukom je utvrđeno da funkciju stručne službe za potrebe KŠCZ obavlja KUCZ.

Konstituirajuća sjednica KŠCZ održana je 27.04.2011. godine, na kojoj je usvojen Poslovnik o radu KŠCZ. KŠCZ je u 2012. godini održao 8 redovnih sjednica a KUCZ je u skladu sa svojom zakonskom obavezom obavljala poslove stručne službe za njegove potrebe.

U 2012. godini je u okviru svoje zakonom utvrđene nadležnosti, na nivou TK poslove obavljala i Kantonalna komisija za procjenu šteta za koju je također obavljala poslove stručne službe za njene potrebe.

U svim općinama formirani su Općinski štabovi civilne zaštite (OŠCZ), kao operativno-stručni organi civilne zaštite u općini, u koje su imenovana ukupno 164 člana (po formaciji-170 članova). Nisu popunjeni OŠCZ u skladu sa formacijom u općinama: Doboj Istok-2, Srebrenik-1 i Teočak-3 člana. U općinama: Banovići, Doboj - Istok, Gračanica, Kladanj, Lukavac, Živinice i Sapna načelnici općina su i komandanti OŠCZ.

Općinske službe civilne zaštite (OSCZ) su formirane kao samostalne općinske službe za upravu u 12 općina Tuzlanskog kantona (TK), u skladu sa Zakonom o zaštiti i spašavanju u Federaciji BiH. U općini Teočak su, i u 2011. godini, poslovi civilne zaštite bili su sistematizovani u okviru Službe za privredu, finansije, prostorno uređenje i civilnu zaštitu.

### **VIII Način ostvarivanja saradnje s federalnim organima, drugim kantonima i njihovim organima, drugim kantonalnim organima, općinama, obdusmenima i dr.**

U cilju rješavanja konkretnih problema i poboljšanja međusobne saradnje, direktor i uposlenici KUCZ održali su više sastanaka sa predstavnicima određenih federalnih i kantonalnih ministarstava, drugih federalnih i kantonalnih organa uprave, regionalnog ureda MAC-a Tuzla, Zavoda za javno zdravstvo TK, načelnicima više općina sa područja TK, direktorima privrednih i javnih preduzeća, predstavnicima Oružanih snaga BiH, policijskih uprava, RTV Tuzlanskog kantona, LOT timova EUFOR-a, predstavnicima KUCZ sa područja FBiH, predstavnicima organa civilne zaštite iz Republike Srpske i predstavnicima fakulteta Tuzlanskog univerziteta i predstavnicima drugih organizacija i institucija koje su od značaja za zaštitu i spašavanje.

Direktor KUCZ imao je nekoliko sastanaka kod Premijera TK, na kojim je razmatrana problematika iz oblasti rada KUCZ i OSCZ, također, je učestvovao na 9 sjednica Vlade TK, na kojim su razmatrani materijali koje je uradila KUCZ, a učestvovao je i na 3 sjednice Skupštine TK, na kojim su razmatrani materijali koje je uradila KUCZ, kao i u radu dvije komisije Skupštine TK: Komisija za poljoprivredu, vodoprivredu, šumarstvo i zaštitu okoliša i Komisije za privredu i ekonomsku i finansijsku politiku.

Predstavnici KUCZ održali su nekoliko konferencija za elektronske i štampane medije, na kojima je šira javnost informirana o aktivnostima i rezultatima rada KUCZ i OSCZ, iz oblasti zaštite i spašavanja iz njihove nadležnosti, a naročito o rezultatima deminiranja i prikupljanja i uništavanja NUS-a.

Direktor KUCZ sa saradnicima, bio je u radnim posjetama u više OSCZ gdje se upoznao sa problematikom u radu OSCZ: realizacija poslova na mjerama zaštite i spašavanja, rad Općinskog operativnog centra civilne zaštite, realizacija poslova na izradi planskih dokumenata i pravnih akata iz nadležnosti OSCZ, te organizaciono-tehnički, kadrovski i drugi poslovi iz nadležnosti OSCZ.

**DIREKTOR**

**Mr.sci. Zdenko Tadić**